

Ningun momento e grupo di desintegra:

Flexy Team ta bay eherce control riba Taxi y Autobusnan dentro di poco

ORANJESTAD (AAN) — E di dos punto cu Hefe di Cuerpo Policial mr. Bernadina, a referi na dje, den conferencia di prensa cu a tuma lugar ayera mainta den KPA, ta Flexy Team. Alto Comisario Bernadina a subraya cu na ningun momento e grupo aki a worde desintegra manera a sali den publicidad.

“Yen di cos ta sali publica cu no ta cuadra cu berdad y mi ta haya straño cu cosnan cu ta worde papia den e camber

aki (kiermen internamente), mi ta ripara cu e siguiente dia nan ta den corant. Cu otro palabra, mi ta spera di mi hendenan cu nos lo tin un confianza tog cu otro riba e cosnan cu ta worde papia akiden”, mr. Bernadina a acentua.

Alto Comisario a agrega cu Flexy Team, te cu prome di Juni ta keda bao di Comisario Distrito dos, y despues di dia 1 di Juni lo cay bao di “Korp Clief” pero e ta worde diariamente dirigi pa e

Comandante Operacional sr. Sambo na Noord.

E grupo aki ta bay traha riba proyectonan so cu no ta cay bao di e Recherche regular, specialmente e lugarnan unda cu nan ta opera, pasobra FT por opera tur caminda, segun mr. Bernadina a indica.

“A menos cu nan traha riba proyectonan di droga (manera den pasado) Flexy Team lo haci esey tambe, pasobra nan tin hendenan capacita den nan seno cu por haci esaki.

Flexy Team, manera boso sa a worde lanta pa motibo cu nos tabata tin problemanan den cierto distrito pa haci cierto arestonan, y resolve algun problema cu tin por ehemplo den night club cu ta cera laat, bendemento di droga

den establecimentonan, y nan lo ta bay haci control di taxi y autobusnan den futuro cercano pasobra atrobe nos a ripara cu tin un bashi den esey”, mr. Bernadina a agrega.

Interes di conflicto den nombramento na APA N.V.

Director suplente lo ta doño di compania di shipping

ORANJESTAD (AAN): Tin un aire straño di un nubia scur ta bahando den APA. Segun fuentenan generalmente bon na altura.

Nan ta indica cu dentro di poco lo por spera malcontento ora cu lo ta bay nombra un persona cu pa colmo lo ta director di un compania di carga.

Esaki segun etica no por ta posible pa e otro companianan di Shipping y pa cualkier organizacion serio.

Nan ta concidera esaki como uno di conflicto di interes.

Parce, segun informe, recientemente lo a despedi di e director suplente.

Despues cu sr. Henriquez a baha cu pension, a nombra sr. Croes pa tres luna y esaki lo a

rek pa 6 y finalmente e la bira 8 luna.

Pa otro siman, segun nos tin intendi, lo bay ocupa como suplente sr. Kock, pero no ta confirma ya cu ta wordo investiga si e por asumi e posicion como tal debi cu e ta director di un compania di shipping.

Cos nan a cuminsa lora straño ora cu algun tempo pasa un grupo di Spaño lo a traha un raport relaciona cu mudamento.

Pero pa e raport aki e costo lo tabata den careda di 300 mil dollar.

No ta conoci si e cuenta aki ainda lo ta habri cual lo ta riba mesa pa e director suplente proximo paga esaki.

Desaroy den APA ta wordo sigui di acerca relaciona cu e situacion reinante.

Danny van der Linden den Corte atrobe

ORANJESTAD (AAN): — Huez a scucha ayeratardi Ministerio Publico y Danny van der Linden, relaciona cu un peticion haci pa e podo-terapista pa por haya compensacion pa daño sufri tempo e tabata deteni pa abuso sexual di un menor.

Ministerio Publico a confirma cu Van de Linden a haci tal peticion.

Den e sesion di ayera, Huez a scucha ambos parti pa dicidi si lo ta na su lugar pa duna un suma pa compensa e daño y perhuicio sufri.

Den caso cu Corte lo a mira razon pa e compensacion, lo a dicidi tambe tocante e haltura di e suma.

Desde cu Huez a suspende su detencion preventivo den

caso di abuso sexual, Van der Linden a cuminsa un campaña pa gana su lugar back den partido politico MEP y a entre otro, publica remetidonan bastante explicito encuanto e asunto.

E HACHA AANGETE KEND!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



T.V. cu Radio
Afl. 45,=